

Акафист святой праведной Софии, княгине Слуцкой.

Кондак 1

Избранная отрасли благочестиваго и древняго княжескаго рода, святая праведная матери наша Софии, похвальная пения со умилением воспеваем ти, ты же, яко имущая велие дерзновение ко Господу, потщися, да избавит от бед и скорбей ны, зовущия: Радуйся, праведная Софии, святая молитвеннице о душах наших.

Икос 1

Ангельскою любовью горящи ко Господу от младенчества твоего, Софии праведная, аще и родительскаго воспитания не имевшая, в вере и благочестии возрастала еси под покровом Матере Божия. Мы же таково о тебе Божие смотрение прославляюще, зываем ти:

Радуйся, родителей благородных чадо боголюбезное;
радуйся, не человеческим, но Божественным смотрением опекаемая.

Радуйся, в младенстве осиротевшая, Господом же не оставленная;
радуйся, под покровом Пресвятыя Богородицы всегда хранямая.

Радуйся, праведная жено, Премудрости соименная;
радуйся, яко по имени твоём и житие твоё прославися.

Радуйся, Христовой мудрости нас научающая;
радуйся, образ истинныя мудрости нам показующая.

Радуйся, в заповедех Господних усердно ходившая;
радуйся, в скорбех временных утешение благое получавшая.

Радуйся, Христа Бога чадо возлюбленное;
радуйся, пламень любви ко Господу в сердце своём возжегшая.

Радуйся, праведная Софии, святая молитвеннице о душах наших.

Кондак 2

Видящи, святая Софии, по кончине родителей себе оставленну, ко обители Супральной устремилася еси и тамо тихое пристанище обретши, не токмо усты, но и сердцем вопияла еси Богу: Аллилуиа.

Икос 2

Разум Богопросвещенный даровася тебе, святая праведная Софии, имже проразумела еси душепагубную тщетность и тленность земнаго богатства. И сия ведящи, Христа взыскати вседушно потщалася еси, темже величаем тя и зываем тебе тако:

Радуйся, с княжескою диадимой венец Христов соединившая;
радуйся, всем сердцем к жизни вечней устремленная.

Ра́дуйся, земнѣя сла́сти в житїи́ своѣм презрѣвшая;
ра́дуйся, житѣльство безконѣчное на небесѣх предызбрáвшая.
Ра́дуйся, в Цáрствіе Небѣсное путѣм ѹ́зким и тернїстым шѣдшая;
ра́дуйся, чїстая и непорóчная голубїце, к Гóрнему Мїру
возлетѣвшая.

Ра́дуйся, все уповáние своѣ на Бóга возложївшая;
ра́дуйся, любóвию ко Гóсподу прїсно пламенѣющая.
Ра́дуйся, вся красная мїра ни во что же вменївшая;
ра́дуйся, їстинную жизнь во Христѣ обрѣтшая.
Ра́дуйся, ум свой горѣ устремївшая;
ра́дуйся, сѣрдце твоѣ жилище Дѹха Свята́го соделáвшая.
Ра́дуйся, прáведная Софіе, святáя молїтвеннице о душáх нáших.

Кондак 3

Сїлою Божѣственнѣя благодáти и дóбрым произволѣнием хотя́щи
отвратїти смѹту и братоубїйство от землї своея́, святáя Софіе,
пóдвиг служѣния їстинне в бра́це с инослáвным мѹжем прїяла есї,
сего ра́ди благодарно о тебѣ поѣм Гóсподеви: Аллилуїа.

Икос 3

Имѹщи в сѣрдце смирѣние вѣлие, в свѣтости и чѣсти венчáлася есї
с мѹжем своїм в правослáвнем хра́ме гра́да Брѣста, прáведная Софіе.
Сего ра́ди с любóвию вопїѣм ти:

Ра́дуйся, ра́ди мїра крестоношѣние во бра́чном житїи́ прїѣмшая;
ра́дуйся, блаженная миротвóрице, чадо Бóжие нарѣкшаяся.
Ра́дуйся, в супру́жестве благочѣстно пожївшая;
ра́дуйся, домашнюю цѣрковь свою́ со страхом Бóжиим созидáвшая.
Ра́дуйся, закóна Христóва рѣвностная исполнїтельница;
ра́дуйся, нїву сѣрдца своего́ от тѣрний душеврѣдных очїстившая.
Ра́дуйся, дѹшу слезáми покая́ния прїсно орошáвшая;
ра́дуйся, молїтвенным пóдвигом Бóгу угодївшая.
Ра́дуйся, землї нáшея духóвное сокровище;
ра́дуйся, Цѣркве Правослáвнѣя многоцѣнное украшѣние.
Ра́дуйся, деснїцею Бóжиею превознесѣнная;
ра́дуйся, я́ко во смирѣнии и крóтости помянѹ́ тя Господь.
Ра́дуйся, прáведная Софіе, святáя молїтвеннице о душáх нáших.

Кондак 4

Бѹрю вїдящи, воздвизáемую на вѣру Правослáвную, со
дерзновѣнием заповѣдала есї сохранїти ю́ невреждѣнну во владѣнїих

княжества Слуцкаго, да чада твоя и весь народ, праведная мати наша Софие, православно возглаголют Христу: Аллилуиа.

Икос 4

Слышавше людие православно о велице благочестии твоём, преславная Софие, яко Божиим храмом и обителем щедро благотворила еси, и тако тёплое благодарение Господеви возношаху, тебе же радостное хваление приношаху, вопиюще сие:

Радуйся, храмов православных щедрая покровительнице;
радуйся, ризы священническия исткавшая и златом пребогато украсившая.

Радуйся, заповеди Христовы праведно исполнившая;

радуйся, благолепие церковное преискренне возлюбившая.

Радуйся, земное богатство ни во что же вменившая;

радуйся, всемогущую силу благодати Божия познавшая.

Радуйся, град Слущка и Минска изрядное украшение;

радуйся, земли нашея цвете благоуханный.

Радуйся, яко тобою имя Божие прославися;

радуйся, благодати Христовы преславное вместилище.

Радуйся, веры истинныя поборнице;

радуйся, яко тобою благ вечных сподобляемся.

Радуйся, праведная Софие, святая молитвеннице о душах наших.

Кондак 5

Боготечная звезда явилася еси, святая княгине Софие, во дни празднеств престольных аки паломница богомольная посещаючи храмы Божия земли Слущкия и тамо в молитве взываючи ко Господу: Аллилуиа.

Икос 5

Видящи, святая Софие, яко чистота веры Православныя от различных козней и напастей попирается, устроила еси во граде Слущке братство в честь Преображения Господня, да вси тесними и гонимии твёрдаго ради стояния в вере Православней помощь и защищение тамо обретают. Темже вопием ти:

Радуйся, ради утверждения веры Православныя подвиги духовныя подымшая;

радуйся, в землях своих Православие на веки сохранившая.

Радуйся, даже до забвения себе Христови верная;

радуйся, веры нашея исповеднице дерзновенная.

Ра́дуйся, о́браз твёрдаго стоя́ния за ве́ру Христо́ву нам показавшая;
ра́дуйся, я́ко за си́е угото́вася ти сокро́вище благ ве́чных.
Ра́дуйся, мно́гия ско́рби за ве́ру Правосла́вную прии́мшая;
ра́дуйся, венце́м испове́дничества от Го́спода украше́нная.
Ра́дуйся, пе́рвая от землі Слу́цкия к ли́ку святы́х причте́нная;
ра́дуйся, ско́рая помо́щнице всем, с моли́твой притека́ющим к тебе́.
Ра́дуйся, му́дрыми твои́ми глаго́лы ве́ру Правосла́вную
утвержда́ющая;
ра́дуйся, во и́стиннем благоче́стии всех наставля́ющая.
Ра́дуйся, пра́ведная Софи́е, свята́я моли́твеннице о душа́х на́ших.

Кондак 6

Пропове́дница ве́лия показале́ся еси́, сла́вная Софи́е, труда́ми и
боле́знями твои́ми ве́ру Правосла́вную во граде Слу́цке утвержда́ющая,
зе́мли же и ве́си, близ лежа́щая, слезны́ми моли́твами ороша́ющая и
облагоуха́ющая. Мы же, па́мять твою́ почита́юще, благода́рне взыва́ем
ко Го́споду: Аллилу́иа.

Икос 6

Возсия́ па́че со́лнца добродетель тво́я во граде Слу́цке, ма́ти на́ша
Софи́е, я́ко всем в ну́ждах и печа́лех прибега́ющим к тебе́ засту́пница
явилася еси́. Приими́ и нас, недосто́йных, с любо́вию вопи́ющих ти
си́це:

Ра́дуйся, всем правосла́вным кре́пкое прибе́жище;
ра́дуйся, си́льных ми́ра сегó превозмо́гшая.
Ра́дуйся, от всех враг ви́димых и неви́димых изря́дная засту́пнице;
ра́дуйся, в разреше́нии мирски́х нестро́ений ско́рая помо́щнице.
Ра́дуйся, дре́вняго гра́да Слу́цка похвало́;
ра́дуйся, сла́внаго гра́да Ми́нска утвержде́ние.
Ра́дуйся, Правосла́вия му́жественная ревни́тельница;
ра́дуйся, гони́телей ве́ры на́шея неустраши́мая обличите́льнице.
Ра́дуйся, о́браз любве́ и кро́тости явившая;
ра́дуйся, друг дру́га тяготы́ носíti нас науча́ющая.
Ра́дуйся, на пу́ти спасе́ния на́ше утвержде́ние;
ра́дуйся, в Ца́рствие Бо́жие благонаде́жное приведе́ние.
Ра́дуйся, пра́ведная Софи́е, свята́я моли́твеннице о душа́х на́ших.

Кондак 7

Хотяй Господь во смирении и терпении укрепить ты, праведная Софие, многия скорби и смерть во младенстве чад твоих попусти, да просветишия, яко злато в горниле, и поеши Богу: Аллилуиа.

Икос 7

Новую показала еси добродетель, святая Софие, воздвигши храм в честь Пресвятыя Богородицы, Еяже Матернему попечению и умершая чада своя вверила еси, темже ты ублажаем тако:

Радуйся, не от человек, но от Бога утешение в скорбех получившая;

радуйся, Человеколюбцу Богу всю себе предавшая.

Радуйся, лишения земная благочестно понесшая;

радуйся, кончину чад своих яко волю Божию приемшая.

Радуйся, добрыми твоими делы прославленная;

радуйся, правым изволением сердца и ума в жилище Божественныя благодати предуготовленная.

Радуйся, терпение крепкое и неустанное нам подающая;

радуйся, в скорбех сущих лучами надежды осиявающая.

Радуйся, на Господа упование неизменно возложившая;

радуйся, венец благаго воздаяния от Христа приемшая.

Радуйся, крепосте и утешение в бедах и нуждах наших;

радуйся, дивная матери, благия памяти достойная.

Радуйся, праведная Софие, святая молитвеннице о душах наших.

Кондак 8

Странствие земное совершивши, святая праведная Софие, плотию преставилася еси от нас, духом же с нами всегда пребываеши, да и мы с тобою едиными усты и единым сердцем умильно воспоём Господеви: Аллилуиа.

Икос 8

Вси людие православнии воспевают ты по достоянию, достохвальная Софие, Церковь же Христова светло празднует память твою и песнь хвалебную приносит ти сие:

Радуйся, верность Христу до конца соблюдшая;

радуйся, Господем неба и земли по преставлении милостивно приятая.

Радуйся, милосердие Христово на небеси обретшая;

радуйся, блаженства вечнаго достигшая.

Радуйся, от злых волков ко Христу, доброму пастырю. прибегшая;

ра́дуйся, во двор словесных овец Его вшедшая.
Ра́дуйся, в небесных обителях водворенная;
ра́дуйся, венцем славы от Бога увенчанная.
Ра́дуйся, у Престола Царя царей предстоящая;
ра́дуйся, со Ангелы и всеми святыми за ны молящаяся.
Ра́дуйся, у Престола Святыя Троицы наша предстательнице;
ра́дуйся, земных и небесных благ пред Господем нам усердная
ходатаице.

Ра́дуйся, праведная Софие, святая молитвеннице о душах наших.

Кондак 9

Во всех концах земли наша славится имя твое, богомудрая Софие,
яко спасаеши вся ны молитвами твоими от смертоносныя язвы,
тлетворных ветр и огненнаго запаления, предстоящи ныне Престолу
Всебшного Бога с лики Ангелов и святых, воспевающих Ему:
Аллилуиа.

Икос 9

Ветийствующий язык не может изрещи величие благодеяний
твоих, святая Софие, множицею явленных благочестивым супругом,
непраздным женам и новорожденным младенцем. Темже вси со
благодарением благочестно поют ти:

Ра́дуйся, всех скорбящих неложное утешение;
ра́дуйся, непрестанное наше радование.
Ра́дуйся, мудрых жен доброто и похваление;
ра́дуйся, целомудренных дев красот и удобрение.
Ра́дуйся, теплая о нас пред Господем молитвеннице;
ра́дуйся, изрядная земли наша покровительнице.
Ра́дуйся, сетей вражиих сокрушение;
ра́дуйся, православным людем верное поможение.
Ра́дуйся, душам и телесем нашим вся, яже к пользе подавающая;
ра́дуйся, на всякое дело благое премудро нас наставляющая.
Ра́дуйся, во всяких злочлечениях и бедах нам скоро помогающая;
ра́дуйся, молитвенно тя призывающих от внезапныя смерти
избавляющая.

Ра́дуйся, праведная Софие, святая молитвеннице о душах наших.

Кондак 10

Спасения душевнаго и телеснаго желающим и о сих усердно
подвизающимся помощница благая, праведная Софие, явилася еси.

Ты бо еси заступница труждающихся, обремененных, в недугах и обстояниях сущих, да вси благодарственнo взывают прославленному ты Царю славы Христу: Аллилуиа.

Икос 10

Стена несокрушимая и ограждение крепкое являются нам молитвы твоя, угоднице Божия, праведная Софии, нетленные же и многоцелёбныя мочи твоя исцеления и утешения нам неоскудно источают. Мы же благодарно величаем тя:

Радуйся, жизнь земную благочестно скончавшая;
радуйся, венец Царствия Небеснаго получившая.
Радуйся, в радости небесней ныне пребывающая;
радуйся, снеди райския присно наслаждающаяся.
Радуйся, со свещею светлою дел благих в чертог Христов
возшедшая;
радуйся, нетлением и чудесы по кончине прославленная.
Радуйся, явлением чудоточных мощей твоих Церковь Христову
возвеселившая;
радуйся, яко тем с верою и любовию поклоняемся.
Радуйся, притекающим к раце святых мощей твоих цельбы
подающая;
радуйся, почитающим тя благословение и милости Божия
неоскудно источающая.
Радуйся, ликом Ангельских верная сопричастнице;
радуйся, обителей небесных славная жительнице.
Радуйся, праведная Софии, святая молитвеннице о душах наших.

Кондак 11

Пение наше хвалёбное, аще и от усердия приносимое, не довольно есть ко изъявлению сердечнаго благодарения за вся благая, яже твориши нам даже до дне и часа сего, всечестная Софии. Мы же в напастех и скорбех к тебе прибегаем, и на твоё предстательство уповающе, немолчно ко Господу взываем: Аллилуиа.

Икос 11

Свеща многосветлая явилася еси, преблаженная Софии, всем пребывающим во мраке века сего, темже и нас, омраченных и унылых, просвети, во еже из глубины сердечныя звати ти:

Радуйся, велие дерзновение ко Господу обретающая;
радуйся, Спаса нашего умиловительнице преславная.

Ра́дуйся, мрак душ на́ших благодáтно я́ко свети́льник озаря́ющая;
ра́дуйся, лю́бовь и ве́ру к тебѣ иму́щих от вся́ких бед спаса́ющая.
Ра́дуйся, в жити́и своѣм пра́вый путь земна́го течѣния нам
показу́ющая;

ра́дуйся, всех ко Христу́ Бо́гу путево́дящая.

Ра́дуйся, жити́ем своѣм Го́сподеви уго́дившая;

ра́дуйся, све́том Христо́вым на небеси́ осия́нная.

Ра́дуйся, я́ко изы́де по всей землі на́шей вещáние о чудесе́х твои́х;

ра́дуйся, я́ко с ве́рою и благоговѣнием почита́ется па́мять тво́я.

Ра́дуйся, Бо́жия снисхожде́ния к немо́щем на́шим всеизря́дная
ходáтаице;

ра́дуйся, за ны пред Го́сподем неусы́пная моли́твеннице.

Ра́дуйся, пра́ведная Софи́е, свята́я моли́твеннице о душа́х на́ших.

Кондак 12

Благода́ть Бо́жию, прощё́ние грехо́в и исправле́ние жити́я испроси́
нам у Го́спода Вседержи́теля, ма́ти Софи́е, да ми́лостив бу́дет к нам,
немо́щным, смире́нно пою́щим Ему́, Спа́су на́шему: Аллилу́иа.

Икос 12

Пою́ще многомо́щное предста́тельство твоѣ к Бо́гу, ма́ти на́ша
Софи́е, усер́дно мо́лим тя: помина́й нас непреста́нно у Престо́ла
Сла́вы Царя́ Небе́снаго, ублажа́ющих тя си́це:

Ра́дуйся, в со́нме святы́х просия́вшая;

ра́дуйся, и́стинная уго́днице Бо́жия.

Ра́дуйся, по́чести досто́йныя воспри́имшая;

ра́дуйся, прощё́нием на́шим внемлю́щая.

Ра́дуйся, блаже́нство ра́йское со все́ми святы́ми унасле́дившая;

ра́дуйся, на твёрди небе́сней звездó присногоря́щая.

Ра́дуйся, украше́ние Це́ркве, на небеси́ торже́ствующия;

ра́дуйся, заступле́ние Це́ркве, на землі во́инствующия.

Ра́дуйся, ве́ры на́ша предивная побóрнице;

ра́дуйся, чуде́с Христо́вых сокро́вище.

Ра́дуйся, от на́рода на́шего правосла́внаго велича́емая;

ра́дуйся, пе́снями хвале́бными прославля́емая.

Ра́дуйся, пра́ведная Софи́е, свята́я моли́твеннице о душа́х на́ших.

Кондак 13

О, свята́я пра́ведная ма́ти на́ша Софи́е! Услы́ши ны́нешнее
усер́дное моле́ние на́ше и испроси́ нам у Го́спода и Спаси́теля на́шего

избавлѣние от бед и скорбѣй, от враг вѣдимых и невидѣмых, от погѣбели вѣчныя, грѣшником уготобанныя, да милосѣрдием Христа Бѣга нашего спасаѣми и твоѣм предстательством поспешествуѣми, благочѣстно на землѣ проживѣм, и сподобимся внѣти во Царствие Его Небѣсное, идеже благодарственно со всеми святыми воспоем Бѣгу: **Аллилуѣа.**

Молитва

О, святая праведная мати наша, блаженная княгине Софѣе, прими милостивно приношение веры, надежды и любви нашей и вознеси е ко Господу, и якоже в земном житии твоѣм была еси помощница и заступница всем Православным христианом земли твоея, тако и ныне укрепи нас твердо и непоколебимо до смерти стоять за веру Православную, согрей сердца наша любовью ко Господу и Пречистой Его Матери. Умоли Христа Бѣга нашего, да сохранит Церковь Свою Святую от расколов и ересей, да утвердит в ней дух правыя веры и благочестия, дух ведения и любви, дух мира и радости вечныя, да вся чада ея духом и истиною поклоняются Ему, да укрепит верных в благочестии и святости жизни, да обратит отпавших от Православныя Церкви во святые недра Ея. О, святая мати, града Слѣзка похвало и радости, умоли Господа, да избавит град твой и всю страну нашу от глада, труса, потопа, огня, меча, нашествия иноплемѣнных, междоусобных брани и от смертоносных язвы, да низпослет правителем нашим усердие, мудрость и верность, да управляют и судят по воли Его, да хранят установления Святыя Церкви. Испроси всем с верою молящимся тебе [или: притекающим к раце святых мощей твоих] мирное житие, тишину, просвещение умов и сердец, соблюди их от козней вражиих, от соблазнов мира, во зле лежащаго, и от всякия скорби и нужды, обрати нас к покаянию и исправлению, даруй заблудшим истины познание, недугующим исцеление. Сохрани нас благодатными твоими молитвами от всех врагов вѣдимых и невидѣмых и избави от всякаго зла, да прославим во вся дни жизни нашей Отца и Сына и Святаго Духа и твоѣ заступление во веки веков. **Аминь.**